

中國地方志集成

省志輯·江南 ⑥

乾隆江南通志(四)

鳳凰出版社●上海書店●巴蜀書社

江南通志卷一百五十二

人物志

武功二 安撫寧池太監鳳嶺入府添和廣六洞五州

安慶府

〔南唐〕周本宿松人漢南郡太守瑜之後少嘗獨格猛虎唐末隸楊行密帳下勇冠三軍攻堅摧鋒蒙犯矢石身無完膚及歸營自燒鐵烙其創歎言笑自若出爲壽州節度使收鎮廬州加太尉中書令封西平王本不知書而愛重儒士賓禮僚屬不接其權吏民愛之性純樸無他才惟軍旅之事則如夙習子郭少驍勇每從本征討本畧地至建州被圍垂困郭躍馬救之手殺數十人吳

江南通志

卷五十二

人物志

武功

一

安慶府

本而出官至廬州節度使

〔明〕楊文勝潛山人贛智過人當紅巾之亂於陽城山立寨遠近居民爭依之保障數萬人明太祖命徐達征陳友諒文勝出義師追勦擒友諒參政郭泰於沙河帝嘉其功授惠州衛承信校尉世襲千戶

畢銀太湖人元末集衆數萬保障一方後歸太祖鄱陽之戰嘗資軍糧洪武改元授英武衛指揮使十年改授大河鎮守遼東

石良宿松人謀畧沉斷元末集義勇築城設寨捍禦鄉里明太祖起兵良籍其土與戶獻之累以功擢武衛將軍英武衛正千戶

陳漢宿松人性沉勇元末盜起漢奮義聚衆明初歸附授大都督

汪澤懷寧人仕至後軍都督府都督原籍鳳陽其祖盛從太祖立奇功官都閫奉勅鎮兩廣經安慶卒遂葬於安慶因家焉澤在宣德間屢著戰功世襲都指揮使黃永桐城人靖難兵起以伍卒隨征累立戰功比定京師拜明威將軍調南羽林衛指揮世襲其職

柳升懷寧人以千戶從太宗靖難歷陞都督食事永樂五年俘獲交趾賊黎季犛封安遠伯進侯後從北征以神機火器大破敵師加太子太傅宣德初復征交趾連破關隘數十乘勝深入中伏死追封融國公諡襄敏子

江南通志

卷五十二

人物志

武功

二

安慶府

溥字廣達懷寧人正統三年掛征蠻將軍印充總兵師湖廣等都司官軍守廣西征大藤峽殺賊楊容拾等五年討柳州等處六年破石門等寨十年征思恩賊獲當萬王等斬之寇遂平十四年還進太子太師總神機營兼掌右軍都督府事復守廣西天順改元召進太傅仍掌營府事又掛平虜將軍印

程翰字鵬舉望江人正統間貢生任湖廣會同縣令率民兵討平苗洞民立像祀之

黃應甲字汝第懷寧人少習韜畧善騎射嘉靖乙卯夏倭突至蕪關應甲以一旅禦之於姑孰倭不得入中武甲科屢遷粵西都事海賊曾一本犯省城力拒之

討古田賊出奇搗虛恢復土宇又平廣西哈喇洞賊
金抱廣東洞賊鮑時秀晉大都督驃騎將軍

吳一介字元石桐城人嘉靖丙辰進士備兵江西會廣
東峒賊卞豹等屠電白詔舉邊才京兆尹畢鏘薦一介
遂移監南越軍以平賊功晉河南布政致仕

容若玉懷寧人萬曆甲戌進士歷官江西領北道岑賊
肅聚廣中和平諸境若玉攝藩篆假節鉞兼程而進先
於大龍據要害即調嶺北兵截其歸路遣謀者火其巢
穴一戰擒之以勞卒官

國朝張清議字君荷懷寧人明季癸未進士任戶部主事順
治初備兵廣東值獠徭跳梁議雨夜進兵一戰擒其魁
淮南通志 卷五十一 人物志 武功 王 安慶府

移川北勦城西山賊尋致仕子超方孫遇隆皆成進士
邵嘉賓字子雋懷寧人康熙癸卯武舉任福建海澄守
備海賊猖獗隨大將軍進剿有功後海澄陷嘉賓被執
不屈乘間逃歸知賊形勢虛實復隨進剿一鼓平之恢
復海澄以功進秩左都督

林鷺字采五桐城人康熙甲戌武進士任肇慶守備時
輿地多盜鷺率檄偵緝韶陽單騎入營諭以恩威寇皆
服擢濟南都司以病歸有圖書數卷而已

徽州府

南北朝齊程靈洗字元滌新安人祖茂為郢州刺史梁武
帝舉兵茂移書責令天正及城陷義不受梁官靈洗少

有勇畧嘗手殪妖蜃以安鄉井侯景亂集鄉兵保縣
奉表元帝授本郡太守後歸陳累以戰功封重安縣公
卒諡忠壯

唐汪華字國輔新安人少以勇俠聞隋末以土豪應郡募
保據境土并有宣杭睦婺饒五州之地四方雲擾而境
內無事者十餘年至唐武德四年籍土納款封越國公
吳仁歡祁門人永泰元年方清作亂仁歡率鄉兵數千
破之刺史上其事授朝散大夫明年賊平因其壘置縣
拜仁歡為令

宋錢忠敏人與弟覺尚氣節宣和中方臘餘寇未殲忠
弟起鄉兵討平之建炎三年北兵將湖浙而西覺兄弟
淮南通志 卷五十一 人物志 武功 王 徽州府

逆賊桐廬據牛山之險功聞授承信郎
胡罔休字良弼婺源人嘗著書靖康元年試中知兵
科帝幸金營閱休結義士欲劫寨迎駕宰相何栗禁止
之後從辛道宗軍勤王岳飛辟為荆襄制機有功官至
成忠郎

元汪同字仲玉婺源人好武技踈躐不羈元末寇亂同起
義兵保障鄉里收復饒縣祁婺等已陷州縣上嘉其勞
拜淮南等處行中書省左丞張士誠心不純同與史左
丞謀約金陵兵取姑蘇為所覺出兵高郵張士信招與
言事遂為士誠所拘同日吾以汝為元太尉忠於國家
今汝既叛我豈得從汝反耶遂遇害

明李錫字君寵世襲新安衛千戶征倭有功累陞總兵官與俞大猷夾擊海寇曾一本擒之以征蠻將軍代大猷鎮廣信巡按御史上其功言錫一年內破賊二百一十四巢獲首功一萬二千餘級宜久其任許之進秩二等卒於官

國朝江起龍歙人順治中任廣東水師叅將駐劄白鵠寨通明港白鵠當郡城入海之口為雷州左臂營署傾圮武備廢弛起龍大修飭之壁壘一新久之遷副將移營海安口出洋捕盜風發舟覆殞焉屢著感異雍正九年封為英佑驍騎將軍之神

寧國府

江南通志卷五十五人物志武功

寧國府

唐左難當一名匡政涇縣人隋末盜起難當率眾保障武德中入朝授猷州刺史輔公祏反圍猷州固守逾年李亮為水道兵總管難當副焉與李勣李道宗節勇並冠一時

梅知巖寧國人隋季兵亂知巖部伍鄉里帥眾保障與左難當相犄角盜不能犯武德初與難當同歸附封南魯王

宋李材字達才太平人宣和末金同太原材以太學生上書言三關四鎮國家根本宜速遣偏師倍道趨雁門入定襄復忻代截石頭關絕其歸路俾腹背受敵朝廷以

為然命陳淬武漢英等將兵徑收忻代材參謀畫多仕終蘄州通判

元徐用和南陵人有武略至正間海賊熾行中書左丞帖里帖木兒以用和參贊軍務勦撫有功陞都鎮撫上命繪圖傳遠卒賜祭葬

胡有慶涇縣人父武孫任宣城尉以擒賊功陞湖州路同知有慶輕財任俠仕終武昌錄判嘗尉婺源有三虎白晝入城眾莫能禦有慶連發三矢斃之

明袁洪宣城人少勇敢習韜畧洪武初從軍歷戰有功特進左都督子容尚燕王郡主以靖難功封廣平侯

何應龍字子驤南陵人元末里中諸俠少嘯聚應龍誘

江南通志卷五十五人物志武功

寧國府

其首亂者斬之餘悉蒲伏請命乃散眾結士部署捍禦鄉井獲安有司上其功授兵兵萬戶明興歸附詔世襲李遇文字克顯世襲宣州衛指揮陞劉河遊擊時小琉球三十六人風潮颶至把總陳嘉謨欲指為倭斬首報功遇文召通事訊實遂遣歸陞湖廣副總兵會皮林苗叛糾聚八洞據險要遇文攻破其寨分兵進剿恢復永從縣焚苗巢窟追擒渠魁王陀於廣西境以功轉左軍都督鎮貴州

沈有容字士弘宣城人萬歷中以武舉為昌平千總調薊鎮以二十餘卒禦朵顏長昂三千騎數出塞有功遷都司守沿嶺銅山石湖時倭寇剽掠閩浙有容夜過澎

湖與倭遇縱火焚其六舟斬十五級還所俘民三百七十餘人倭不至者十年紅毛番韋廉郎艘次澎湖求市有容大聲營之卽引去擢山東總兵駐登州廣寧失守遼民望海求渡登撫下令禁之有容固爭具舟以濟活萬餘人以年老乞歸

孫鎬字西涯太平人以鄉薦知歸德縣師賊擒良民縣師字於面州縣遇黥者卽指爲師鎬獨下令曰歸農者民抗關者賊黥否勿問衆咸泣遂潰尋知簡州土司有嫡庶爭立者擁兵相持命使往卽殺之鎬從數騎賁詔往從容詢所宜立若未嘗有詔者久之益習樽酒招延嫡庶咸與席一日鎬指北山曰今九日也此宜登高嫡

江南通志 卷五十五 人物志 武功 七 寧國府

庶欣然從之方命酌忽一吏曰詔至卽持庶下斬之事平仕至瑞州同知致仕
國朝唐邦杰字輔宸宣城縣人順治間以總兵官駐防仙遊後守寶慶復遷鎮河州平西山巨寇定陝西保安堡亂兵巡積石枹罕二十四關修邊城八百五十丈火見藏野番皆畏威賓服

池州府

明顧成字子瞻貴池人太祖起滁陽充帳前親軍以功歷指揮僉事從平蜀破貴州蠻克普定大兵入雲南以成斷後扼普定遷都督僉事尋充征南將軍鎮貴州征五開六硨破一百三十七砦後與靖難師戰真定兵敗被

執成祖釋而用之永樂初封鎮遠侯又命出鎮貴州搗羅豪斬叛酋普亮羣蠻震懾尋致仕歸卒諡武毅
紀元憲字蓋我貴池人萬歷甲辰武進士由偏裨歷廣西總兵官右軍都督僉事掛征蠻將軍印威名震遠
又建德檀武臣隆 二年由武進士歷神樞營參將爲名將威繼光所重

何自謙字益之銅陵人萬歷中以貢授瓊州府通判時朝廷遣中使至瓊與羣黎市珍異屢有激變相劫殺者自謙每從中調護之得無事後代守入覲回而黎變大作自謙道聞之疾馳渡海合雷陽三路兵搗黎穴冒暑深入用火攻之擒其渠魁十餘人黎始帖服因條撫黎數事上之詔如議以秩滿遷審理又敘平黎功進階長史致仕

江南通志 卷五十五 人物志 武功 八 池州府

金文光字朴只石埭人萬歷三十一年武進士官福建游擊合剿紅毛倭寇有功歷南贛叅將會屬境土寇踞九連洞爲害流毒及閩廣文光以兵深入勦平之額人爲立生祠

方儀鳳貴池人萬歷丙辰武狀元授廣東屯田都司僉書大興屯政以給軍食歷廣東叅將紅毛劫掠海上督兵却之擢南路副總六著輯畧全書行世子懋昌由武進士歷貴州安順副 兵撫畧羣蠻著方畧
施臺臣青陽人天啓壬戌進士授龍巖令縣傍海值紅

毛入寇臺臣躬督民兵奮勇逐之寇遁邑賴以全又建德馮時來明季由舉人授江安知縣土番寇掠時來集兵固守賊攻城數月不能下始解圍去

金孔器字璉如建德人明季由貢授蒲臺令有奸民據海島掠海旁諸邑孔器嚴守備以待之寇不能犯調崇義督兵平土寇擢南康同知南康接楚界多流寇山賊往往爲之應孔器隨宜撫勦奪還所掠婦女郡境得安汪思誠字純一貴池人史可法備兵池州奇思誠才招致幕下每參軍謀及可法開府江上題授軍職歷擢副總兵臨陣力戰每脫可法於險後與可法同死揚州

國朝曹曰瑋字繼武貴池人康熙癸未武狀元授二等侍衛

江南通志卷五十五 人物志 武功 九 池州府

從征漠北特著勞績出爲山西養民路叅將累擢陝西興漢總兵官漢江暴漲州城被水齧盡圯督軍士晝夜巡防感疾卒曰瑋精騎射通經史大義居官勤慎馭卒伍嚴而有恩所拔多材勇之士

太平府

明端宏字仲仁當塗人天順丁丑進士授御史歷按雲南河南廣西谿谷蠻僚久爲邊害宏選將練兵備餉設險爲攻守計諸洞望風懾服

邢珣字子用當塗人弘治癸丑進士歷南刑部郎許劉瑾削籍瑾誅復官知贛州南安龍川盜起珣引軍逼賊先招降劇盜滿總等後討他盜多藉其力王守仁征橫

水桶岡珣爲軍鋒功最宸濠反珣率兵會守仁進討值南風猛珣建策火攻遂大破之宸濠就擒以功遷左布政致仕贛人思之立報功祠祀守仁以珣配二子埴址居官並以清操聞

裴希度建陽衛人世襲指揮僉事屢立戰功歷福建總兵官海盜鄭芝龍剽劫州郡恃巨艦爲長城風帆飄忽瞬息千里希度偵其將至預伏死士舟中人挾長鈞銳斧俟賊近百鈞齊舉固挽之不得脫因舉斧登艦殺賊無算芝龍駕哨船遠遯尋乞降

祝可仕字孟型當塗人鑾孫萬曆庚戌進士授工部主事改戶部督通倉著績歷福建叅議紅毛入犯佐巡撫

江南通志卷五十五 人物志 武功 十 太平府

南居仁籌畫擊敗之遷廣西副使未任卒

廬州府

隋陳稜字長威廬江人大業中拜虎賁郎將擊琉球大破之虜男女數千而歸煬帝幸江都命統宿衛兵擊賊淮上往往克捷遷右禦衛將軍

唐任瓌字子璋合肥人高祖義師起瓌至龍門請謁願爲一介使先入關宣布威靈乃授招慰大使說下韓城以功封管國公與諸將擊破王世充後平徐圓朗及輔公祏拜邢州都督遷陝州卒

五代王景仁廬州合肥人初名茂章爲楊行密將驍勇剛悍臨敵務以身先士卒梁友寧攻王師範于青州行密

遣景仁以步騎七千救師範大破之遂斬友寧梁太祖聞之以二十萬兵倍道而至景仁閉壘示怯伺梁兵怠毀柵而出驅馳疾戰戰酣退坐召諸將飲酒已而復戰太祖登高望見之歎曰使吾得此人為將天下不足平也梁兵又敗景仁全師而歸官潤州團練使後歸梁累官寧國軍節度使同平章事

宋劉虎廬州梁縣人起農家隸軍籍力戰累功擢副都統總轄淮陰水陸軍馬拒元師於五河率勇士乘風縱火中流矢洞腹達背悶絕復甦揮兵更戰意氣彌厲援壽春自三月至五月戰百餘合卒解其圍奏凱進利州觀察使拜合肥郡侯

江南通志 卷五十一 人物志 武功 十一 廬州府

張德勝字仁輔合肥人與廖永安俞通海等泊巢湖結寨自固太祖駐師和陽求通欵從下太平取集慶克鎮江常州宣州復池州後追陳友諒於采石戰死贈蔡國公諡忠毅

楊璟合肥人本儒家子沉毅好武歸太祖從征陳友諒克九江諸郡縣下廣西征山西平唐鄧南陽佐鎮北平練兵遼東積功封營陽侯贈芮國公諡武信

吳復字伯起合肥人率眾歸太祖於濠領前驅積功封安陸侯追封黔國公諡威毅復平居恂恂至臨陣奮發無堅不破衝突矢石身無完膚

俞通海字碧泉巢人隨父廷玉來附太祖渡江取太平

金陵畧定常潤蕪黃等處截陳友諒於康郎山功最多從征張士誠中流矢卒追封豫國公諡忠顯

馬雲合肥人洪武四年為都指揮使與葉旺同鎮遼東設奇出伏破納哈追擊三百餘里殲其眾殆盡上嘉其忠遣使勞之進都督僉事兼總制遼東軍馬十二年征大寧克捷巡邊還卒

俞通源字百川通海弟少隨父兄立功通海卒領其眾攻蘇州擒士誠嗣通海官從大將軍定中原下山東河南北山西關陝征王保保皆先登洪武三年封南安侯從廖永忠伐蜀又從魏國公出塞有功後鎮雲南征廣南諸蠻俘獲萬數弟通淵建文時豹韜衛指揮職白溝

江南通志 卷五十一 人物志 武功 十二 廬州府

河死

袁義廬江人本姓張太祖賜姓名數從征伐積功為楚雄衛指揮使嘗入朝以其老命染髮還任以威遠人廖永忠永安弟永安殺永忠總其兵為水將蹙陳友諒於龍江取江西從下蘇湖平方國珍取福建廣東畧定廣西征蜀論功當封公以鄱陽之役有邀賞意抑封德慶侯

金朝興巢人沉勇有智畧元季結鄉里立砦會俞廖以舟師納欵達率所部來附從渡江征陳友諒張士誠北畧中原西平蜀夏封宣德侯征雲南至會川卒贈沂國公諡武毅

花茂巢人從太祖征伐授副千戶平西蜀兩廣有功世襲廣州左衛指揮使請設沿海依山二十四衛所築城濠池收集海島諸軍仍於要害之地立堡屯軍以備不虞皆報可進都指揮使卒賜葬子英武毅有文略自以功陞都督僉事

江興祖巢人初爲張德勝養子累功封東勝侯人有言其過者上弗問亦弗與請募從傅將軍入蜀克階文中飛石死詔興祖沒王事授原封侯與世券

趙庸合肥人元末率舟師來附從征陳友諒張士誠走張良弼降李思齊多戰功封雄侯

葉昇合肥人自後宋石定金陵平友諒士誠還征中原

江南通志卷一百一十一人物志武功三廬州府

三平叛蠻積戰功封靖寧侯鎮遼東六年邊備修舉

高顯合肥人以功封汝陰侯諡武肅

鄭亨合肥人從成祖積戰功封武安侯充總兵官備宣

府規畫周詳帝凡五出塞亨皆從行率破敵仁宗卽位

移鎮大同無寇患宣德初招降酋長歸附者相屬卒諡

忠毅

徐用元合肥人以功封永康侯

陳文合肥人早喪父奉母至孝屢立戰功官都督僉事

卒贈東海侯諡孝勇武臣以孝諡者止文一人

孫世巢人以功封富春侯

陳清巢人以功封合浦侯諡崇武

左君弼合肥人元末據州太祖再攻之走汴守陳州遣使持書招諭君弼猶豫不能決乃歸其母於陳州始感泣納款以副總兵率師討捕底定兩江

徐忠字仲達合肥人父用開國功陞副千戶忠嗣職進

衛指揮僉事鎮開平從靖難兵將前軍敗李景隆于鄭

村壩白溝之戰兩指被刃未殊忠自斷之裹創進戰大

捷歷都督僉事封永康侯卒贈蔡國公諡忠烈

胡通王珪甯仲英王雄王玉玉弟瑛周顯鄭祥瞿通皆

合肥人明開國時各樹戰功

國朝王承業廬江人任福建中路叅將移鎮潮州康熙甲寅

逆藩煽亂以中營副將征賊有功陞總鎮往勦雲南被

江南通志卷一百一十一人物志武功三廬州府

重傷歿於營贈右都督

鳳陽府

三國吳周泰字幼平九江下蔡人隨孫策署別部司馬策

討六縣山賊權住宣城不治圍落而山賊數千卒至權

始得上馬而賊鋒刃已交於左右泰投身衛權膽氣過

人身被十二創良久乃蘇是時無秦權幾危殆策深德

之後從攻皖及討江夏黃祖有功又與周瑜拒曹操於

赤壁攻曹仁於南郡留督濡須後權欲圖蜀拜泰漢中

太守奮威將軍封陵陽侯子邵以騎都尉領兵數戰有

功進位裨將軍弟承領兵襲侯

丁奉字承淵廬江安豐人少以驍勇爲小將數隨征伐

戰關常冠軍孫亮即位爲冠軍將軍封都亭侯魏造諸葛誕胡遵等攻東興奉據徐塘縱兵著冒持短兵衝之大破敵前屯還滅寇將軍又與敵追軍戰於高亭突入其陣中新首數百進封安豐侯累遷大將軍加左右都護領徐州牧

晉桓石虔龍亢人彝之孫有才幹趙捷範倫桓冲爲將堅所圍垂沒石虔躍馬赴之拔冲於數萬衆之中而還以寧遠將軍攻袁真於壽陽駐其南城事進冠軍將軍復領河東太守逐堅克州刺史張崇冲卒監豫州揚州五郡軍事卒贈右將軍進爵作塘侯子誕嗣

桓石民石虔弟弱冠知名謝安引爲參軍以振武將軍

江南通志

卷五十三

人物志

武功

五

鳳陽府

領襄城太守成夏口冲襄城州軍事屢破符堅兵以前後功進左將軍

南北朝宋王廣之字林之沛郡相人有勇力大明中以功補本縣令殿中龍驤強弩將軍屢立戰功封寧都縣子齊高帝即位歷官鎮南將軍江州刺史進封應城縣公卒贈散騎常侍車騎將軍諡曰壯公

梁裴之高字如山建兄中散大夫裴之子起家州從事新都令遷參軍頗讀書少負意氣嘗隨叔父遂征討所在立功甚爲遠所器重戎政咸以委焉壽陽之役達卒于軍之高諫夏侯襲平壽陽除梁郡太守封都城縣男時魏汝陰來附勅之高接應士民夜反踰城而入之高率

家僮與麾下奮擊賊乃散走侯景亂之高率衆入援除特進光祿大夫卒諡恭子譙景官太子右衛率西魏攻陷江陵戮力戰死之

五代梁馬嗣勳濠州鍾離人也少事州爲客將材武有辯歸梁官宣武軍元從押牙太祖西攻鳳翔至華州遣嗣勳說韓建出降後以計爲魏攻牙軍中重創卒贈太保丁會字道隱壽春人爲梁將救聚全義於河陽大敗李罕之軍累立戰功爲昭義軍節度使昭宗崩會與三軍縞素發哀歸後唐卒贈太師

宋周虎字叔子臨淮人開禧二年知和州金兵圍和州急

虎部分將士乘城拒守母何氏年九十期與虎偕亡虎

江南通志

卷五十三

人物志

武功

六

鳳陽府

益奮勵屢戰斬其驍將金兵引去虎推功歸母封永國太夫人後轉和州防禦使卒諡忠惠

元杜昌濠人身長多力至正間以義兵應募有功擢汝州

同知安豐等處萬戶

阮者都世居荆山襲父職守禦浙東值海盜起奮力擒捕悉平之以功擢浙東道都元帥

明常遇春字伯仁懷遠人懷臂善射從太祖奪采石爲渡江第一功漢吳既平封鄂國公率兵北伐所至披靡名與徐達相埒暴疾卒於軍追封開平王諡忠惠遇春爲人守謙不矜有功無過運籌決勝不學而能其從大將軍東征西伐能遵守節制及其自將所至克捷在上前

時有直諫無不嘉納子茂蔭討鄭國公并開國公

湯和字鼎臣濠人剛毅有智畧從太祖征伐所至皆捷累封信國公後倭寇海上和度地于並海設衛築城五十有九浙閩賴之功臣中獨以壽終追封東甌王諡襄武

胡大海字通甫虹縣人長身鐵面智力過人常夜出日煜煜有光從太祖累建奇功嘗言吾武人不知書惟知三事不殺人不擄婦女不燬廬舍後爲叛將所害人無不流涕者追封越國公諡武莊

帖勝宗濠人以從征績功封延安侯鎮守遼東七年咸信大著

萬壽通志 卷五十五 人物志 武功

丁德興定遠人太祖呼爲黑丁屢戰立功征張士誠卒于軍追封濟國公

王弼定遠人功封定遠侯

沐英事文英定遠人父母早亡太祖子之既長屢立戰功從傅友德取雲南英生擒達里麻長驅而入梁王走死遂留鎮滇中凡十年卒英善撫士卒在滇百務俱舉卒之日軍民巷哭遠夷皆爲流涕始封西平侯追封黔寧王諡昭靖子春材武有父風嗣爵鎮雲南七年數立功卒諡惠襄無子弟晟嗣以封交趾功封黔國公卒諡忠敬弟昂代鎮雲南卒諡武襄

也陽定遠人與兄國用俱喜讀書通兵法元末結義自

保後同歸太祖國用論天下大計以拔金陵爲根本大

祖命典親兵數立功早卒追封郢國公勝先已諡功爲元帥至是襲兄職破陳友諒下山東平陝西封米國公後爲大將軍出關降納哈出二十萬之衆加太子太師吳良定遠人從太祖爲帳前鋒屢立功克江陰命守之張士誠不敢北出兵在境十年訓將練兵新學官開屯田均徭省賦封疆晏然平吳後移鎮蘇州又平廣西叛蠻封江陰侯卒追封江國公諡襄烈弟貞職功亦多敗張士誠討方國珍擒陳友定後練軍海上封靖海侯總舟師數萬由登州轉運盡收遼海未附之地卒追封海國公諡襄毅

江南通志 卷五十五 人物志 武功

耿炳文濠人父君用從太祖爲管軍總管戰死炳文襲職攻張士誠取長興卽令守之長興爲士誠必爭地數遣大將來爭炳文拒守凡十年既取中原鎮陝西浚涇陽洪渠十萬餘丈民賴其利封長興侯建文帝時燕兵起炳文年六十五矣命爲大將軍北伐燕兵退帝以李景隆代炳文歸遂敗永樂初被劾自殺

郭英濠人從太祖數立戰功鎮河南境內大治移鎮北平從征雲南封武定侯鎮遼東召還典禁軍卒諡威襄英孝友通書史行師有紀律兄興從征張士誠有功既取中原鎮潼關移鞏昌邊境帖然封鞏昌侯卒諡宣武華雲龍定遠人元末聚衆居韭山歸太祖克元都留守

北平封淮安侯凡塞上諸關隘衝要之所俱設兵建薊
邸增築北平城在鎮七年威名大著

潘毅臨淮人洪武初從征累有戰功拜虎賁衛指揮使
再從西征道卒追贈榮陽伯諡曰武

陸仲亨濠人功封吉安侯

周德興濠人積戰功封江夏侯又以伐蜀克泗城功出
諸將上賞賚恒倍會五溪蠻亂德興年已老力請行太
祖壯之在楚久威震諸蠻楚人德之

陳德字至善濠人從太祖與陳友諒戰鄱陽湖舟膠淺
力戰身被九矢不退後積功封臨江侯卒追封杞國公
諡定襄

江南通志卷五十五 人物志 武功

尤 鳳陽府

鄭遇春濠人功封榮陽侯

王志臨淮人以鄉兵歸太祖每戰冒矢石先登後凡
兵皆以偏將軍從持重未嘗敗初封六安侯卒追封
國公諡襄簡

張赫臨淮人以義兵應太祖屢立功洪武初侯寇掠沿
海赫捕斬甚多擢都督僉事令督海運往來遼東十二
年封航海侯卒追封恩國公諡莊簡

顧時字時舉濠人由百夫長授元帥積功封濟寧侯鎮
北平卒追封勝國公諡襄靖

胡海字海洋定遠人攻城畧地屢戰屢被矢石鋒刃傷
而鬪益力太祖壯之既平廣西雲南論功封東川侯

張鑑定遠人累有戰功平雲南攻尤多封永寧侯

張龍澤人積戰功封鳳翔侯

李新寧人從渡江數立戰功官都督僉事以營孝陵封
崇山侯開膳脂河于溧水以濟漕運民便之

李彬字質文定遠人襲父信職從燕師為前鋒累立功
封豐城侯鎮廣東捕山寇討長沙賊鎮甘肅獲叛酋老
的罕移鎮交趾時中官馬騏激變交人反者四起彬遣
諸將分討而賊勢最劇者親自討之潘僚范玉等悉平
卒贈茂國公諡剛毅

孫恪濠人與祖子襲父職歷後軍都督僉事積功封全
寧侯諡敏有儒將風進位太子太保

江南通志卷五十五 人物志 武功

辛 鳳陽府

甯正字正卿壽州人沉鷺有膽畧積功擢河州衛指揮
使勤於勞來不數年河州遂為樂土兼領寧夏衛事修
築漢唐舊渠開屯田數萬頃歷四川雲南都指揮使從
沐英討平叛酋卒為左都督代英鎮雲南

朱能字士弘懷遠人以副千戶事成祖於藩邸與張玉
首倡靖難兵奪九門拔薊州敗耿炳文於真定敗李景
隆於壩上敗平安于白溝河薊城收陳暉于潼山敗盛
庸於淮直入金川門論功封成國公永樂四年佩征夷
將軍印討安南次龍州卒年三十七將校皆流涕追封
東平王諡武烈

孫慶鳳陽人明初為燕山中護衛百戶燕師起既得

州以嚴宿將命守之南軍圍州城嚴多方捍禦力戰帝
卽位封應城伯卒贈翼城侯諡威武同時封伯者陳賢
壽州人初從太祖立功爲燕山右護衛指揮僉事從燕
師出戰常突陣陷堅封榮昌伯張興亦壽州人起卒伍
爲燕山左護衛指揮僉事以功封興安鄉伯

陳懋壽州人父亨建文時以都督僉事守大寧降成祖
與平安戰中創卒追贈涇國公懋將父兵累功進右都
督封寧夏伯永樂中鎮寧夏善撫降卒得其歡心擒叛
寇進爲侯屢從北征有破敵功宣德初仍鎮寧夏威名
震漠北後佩征南將軍印討福建賊鄧茂七平之加太
保卒年八十五贈濟國公諡武靖

江南志 卷五十五 人物志 武功

主 鳳陽府

何福鳳陽人洪武初中衛指揮同知歷將軍討平都勻
越州畢節水西等蠻成祖卽位以福宿將俾鎮寧夏節
制山陝河南諸軍塞外諸部降者接踵移鎮甘肅降逆
北王子以下所部皆內附論功封寧遠侯

韓觀字彥賓虹人高陽侯成子太祖時以父功授桂林
衛指揮僉事討平柳州富川上林宜山全州灌陽諸獠
蠻觀生長兵間綜練武畧人莫敢犯成祖卽位鎮廣西
節制兩廣復平定羣蠻移鎮交趾威名震南中

費燾定遠人襲祖父職從成祖起兵累進都督僉事鎮
甘肅墾閒田以足邊餉善撫士在鎮十五年境內寧謐

封崇信伯

謝成濠人功封永平侯

宋晟字景陽定遠人父朝用以天寧翼元帥請老晟襲
父官歷鎮江西大同陝西討哈梅里克之收其部落以
歸又討廣西猓蠻諸寨苗平五開龍里十三洞招降把
都帖木兒等部落封西寧侯凡四鎮涼州前後二十餘
年威信著絕域卒追封鄆國公諡忠順

郭登字元登武定侯英孫正統中從車駕北征以指揮
僉事起拜都督僉事鎮守大同帝旣陷也先數擁帝至
城下索金幣登閉門不納而謀遣壯士劫敵迎帝入城
不果敵欲大同爲巢穴屢來攻登屢擊敗之邊軍增氣
嘗以意造偏箱車飛天網等戰守賴之封定襄伯英宗

江南志 卷五十五 人物志 武功

主 鳳陽府

復辟召還憲宗時提督十二團營卒贈侯諡忠武
趙輔字良佐鳳陽人成化初拜征夷將軍與韓雍平大
藤峽賊封武靖伯又統兵征迤東與李秉從撫順關深
入破之進侯卒諡恭肅

戴紹印鳳陽人自萬戶侯擢三江總戎致政萬曆丁酉
日本關白犯朝鮮命大司馬邢玠總督征之紹印杖策
往從畫平倭十策卒覆倭以過勞驟卒大中丞稽鐵檄
郡建祠

潁州府

三國魏曹洪字子廉譙人太祖從弟太祖起兵討董卓至
滎陽爲卓將所敗太祖失馬賊追甚急洪下馬授太祖

曰天下可無洪不可無君與太祖還奔譙封明亭侯

曹仁字子孝譙人武帝從弟從破袁術攻陶謙征呂布平黃巾迎天子都許仁數有功又從圍壺關武帝令曰城破皆坑之連月不下仁曰圍城必示之活門所以開其生路今公告之必死將人自爲守非良策也從之城遂降封都亭侯

曹彰字子文譙人文帝同母弟負絕力手格猛獸太祖每抑之嘗問諸子所好彰曰好爲將太祖曰爲將奈何對曰披堅執銳爲士卒先賞必行罰必信太祖大笑北討烏桓身自搏戰乘勝逐北一日夜追及桑乾大破之後歸報太祖持彰鬚曰黃鬚兒竟大奇文帝卽位立爲

南通志卷五十一 人物志 武功

重 潁州府

任城王

曹休字文烈譙人武帝族子年十餘歲攜母渡江至吳武帝舉義兵乃易姓名間行北歸帝謂左右曰此吾家千里駒也文帝時以休爲征東大將軍擊吳將呂範于洞浦破之拜揚州牧明帝時封長平侯

曹真字子丹譙人武帝族子武帝哀其少孤收養與諸子同嘗從獵爲虎所逐射之應聲而倒太祖壯其鷲勇封靈壽亭侯累遷太司馬子爽字昭伯明帝時與司馬宣王並受遺詔輔少主後爲宣王所誅

夏侯淵字妙才譙人惇族弟從武帝征伐有功封博昌亭侯守漢中戰死諡曰忠

許褚字仲康譙國人勇力過人嘗一手逆曳牛尾行百

餘步漢末聚少年及宗族保鄉里魏太祖徇淮汝褚以衆歸太祖壯之曰此吾樊噲也引入宿衛從討馬超韓遂有功遷武平衛中郎將人以其有力而癡目爲虎痴文帝踐阼封牟涇縣公

唐江子建信州人隋末兵起所在殘破子建設柵禦賊鄉井獲寧高祖武德初以其保護功卽命爲本州刺史

五代梁楊師厚潁州斤溝人事梁太祖自太祖與晉戰河北嘗爲招討使悉領梁之勁兵末帝謀討朱友誨師厚遣其將朱漢賓以兵屯滑州爲應末帝卽位封師厚鄴王

江南通志卷五十一 人物志 武功

重 潁州府

王敬蕤潁州汝陰人事州爲牙將唐末王仙芝等攻劫汝潁間刺史不能拒敬蕤逐代之卽拜刺史爲人沉勇有力善用鐵槍潁亳諸州民皆依敬蕤避賊時所在殘破惟潁州二萬戶獨全梁太祖表爲江淮指揮使歷武寧軍節度使左衛上將軍致仕

張存敬譙郡人剛直有膽勇事梁太祖爲行營都指揮便攻滄州敗劉仁恭于老鴉隄還攻王鎔于鎮州入其城取牛馬萬計復攻幽州取其瀛莫祁景四州攻王珂於河巾下晉絳二州珂降于梁遷宋州刺史卒贈太傅徐懷王亳州焦夷人事梁太祖爲將勇于戰陳秦宗權攻梁壁懷王擊破之從太祖攻克郢破徐宿金創被體

戰必克捷所得賞資輒分士卒爲梁名將本名琮太祖賜名懷玉從太祖敗魏兵黎陽東攻堯破朱瑾於金鄉遷齊州防禦使天復四年以州兵西迎昭宗都洛陽遷華州觀察留後累官保大軍節度使

南唐張崇慎縣人仕楊吳爲廬州觀察使時光州將王言殺刺史崇在廬州不俟命引兵趣光言棄城走

宋高瓊廬城人太宗知其材勇召置帳下積戰功累官保大軍節度使真宗時爲并代都部署中檢校太尉瓊曉達軍政澶州之役真宗北征中道猶豫瓊贊決渡河督戰契丹氣沮而退堅守和議數十年尤善教諸子真宗嘗問卿幾子對曰臣子十有四人臣誠愚然未嘗不教

江南通志

卷三十三

人物志

武功

五

穎州府

以知書于是賜諸經史于其家後曾孫女爲宣仁后追封衛國武烈王

高繼勳瓊之子真宗時爲建雄節度使善撫御士卒在蜀有威名繼勳子遵甫官北作坊副使其女爲宣仁皇后神宗時追封繼勳爲康王遵甫爲楚王繼勳從子遵惠熙寧中試經義中選累官龍圖閣學士方宣仁后臨朝繩檢族人一以法度乃舉家事付遵惠遵惠弱表率之人無間言

張整字成伯亳州鄆陽人初爲利文州都巡檢使邊夷歲鈔省地整募死士時其來掩擊幾盡調荆湖將領結拾萬眾迫黔江城整設伏擊之殺獲不可勝計後爲涇

原正定京東環慶鈐轄整蒞軍嚴明哲宗嘗召對權都指揮使官至威州刺史

丁罕穎州人應募補衛士累遷指揮使淳化間出爲澤潞團練使知霸州會河溢壞城壘罕以私錢募築民咸德之以容州觀察使與李繼遷戰斬獲數萬拜密州觀察使知威虜軍子守德能世其家

王鑑霍邱人爲淮西兵馬鈐轄李全犯揚州鑑往救敗之全走死乘勝復泰楚二州除鎮江都統制下邳徐二州招納降附措置廬州守禦俱有功封廬江郡開國侯明劉才字子才霍邱人元末爲元帥明初歸附歷衛指揮

江南通志

卷三十三

人物志

武功

美

穎州府

關復從征至懷來以疾還才不爲苟合亦不輕營毀人甚爲仁宗所重

曹隆程寬俱穎上人從成祖起兵隆以靖難功累官至都督同知卒追封安陽伯諡忠毅寬積功至都指揮同知從張輔平交趾進都督僉事卒追封保昌伯諡忠威鹿鵲穎州衛舍餘兄弟五人鳳鸞鸞鵬皆勇敢善射而鸞更軼羣正德七年劉六等破太和園穎上鸞昆弟應募守城賊將李龍者號萬人敵鸞與大戰生擒以歸未幾復擒剿賊李魁寇爲喪氣解圍去都御史彭澤上其功授錦衣百戶而鸞已卒年僅二十七士人思其捍患功立廟祀之至今呼鹿將軍廟云

滁州

南北朝隋張翥字文懿全椒人以軍功歷開府儀同三司封文安縣子從楊素征江表有功授行軍總管

南唐張訓滁州人楊行密據台肥訓往謁授以親兵取歷陽及滁孫儒焚棄廣陵訓入城得穀數十萬斛悉以發賑又襲常州克之卽授刺史徙屯澧水大破汴將麗師

古于清河口

明趙奎字思義全椒人體貌魁岸有材略從太祖渡江取采石屢立功授總管守宜興洪武四年從征甘肅猝遇敵衆畏怖奎獨力戰敗之與同縣王才俱累官都指揮使才亦以材武著

江南通志 卷五十五 人物志 武功 五 滁州

何文輝字德明滁州人元帥世隆孫幼岐梟太祖鞠養之賜以姓旣長嚴毅沉果有遠略授天寧翼元帥守禦宜州及從征鄱陽皆有功後復姓遷江西行省左丞大都督府同知洪武五年督兵巡居庸關遇疾召還卒平安全椒人父定濟寧指揮僉事戰歿安襲職擢右都督僉事進副總兵力舉數百斤驍勇善戰靖難兵起安敗燕將房寬陳亨擒薛祿斬王真陳文數窘燕王于陣後爲燕所得惜其材釋而用之方瑛全椒人都督政子政死麓川之役瑛時爲金吾衛指揮使發憤報父仇乞兵効死先登破賊遂平其地進都指揮使後以征貴州及香爐山功歷遷左都督封南

和伯鎮貴州湖廣天順初進爵爲侯城臨陣勇善撫士以故數有功所至鎮以安靜卒諡忠襄

陳友全椒人初以騎卒從征授千戶頻建功歷進右都督鎮湖廣天順初隨瑛征天堂諸蠻破蒙能餘黨封武平伯進侯卒諡武僖

吳亮來安人初爲衛指揮僉事屢從征討宣德中遷副總兵督漕運兼鎮守淮安正統間以平江西新淦賊功佩征南副將軍印鎮貴州尋調雲南累擢右都督亮饒智略屢統軍征討常以不殺爲意蠻夷懷附喜文學至老手不釋卷有儒將風

江南通志 卷五十五 人物志 武功 五 滁州

歐磐滁州人成化中爲廣東都指揮僉事勦蠻寇守柳州平融縣八峯擒破鬱林陸川賊弘治中府江永安諸僮亂磐所向摧破進都督僉事佩平蠻將軍印鎮湖廣請老卒

常道字文載來安人弘治乙丑進士由昌邑令遷戶部主事歷山東叅政平萊蕪劇賊有功擢山西巡撫勦撫青羊寇陳卿等旋即莫定

孫克振字養猗滁州人萬歷癸卯舉人歷知東鄉湯溪二縣有聲明年流寇犯滁州克振與同鄉陳國計等協力守禦危城獲全國計亦由明經仕至平樂令

金九陞字九納全椒人萬歷乙卯舉人令東陽擊賊鹿頭店敗之卽撫盧象昇奏其功擢南光祿寺署正歷戶

部郎中寇犯廬鳳大司馬范景文委督浦口倉儲整飭守具寇不敢逼擢蒼梧兵備副使協平叛孫調湖廣兵備復常寧城定祁陽之變勦八卦崗猺會推南贛巡撫引年歸

國朝晉國璧全椒人順治初以貢任袁州推官土賊起守城有功

周球字季珍來安人順治乙未武進士授廣東左衛守備遷南贛遊擊屢破闖寇前後俘斬以萬計援勦湖南賊于永興頻戰皆捷歷叙功加左都督充太原總兵官移真定卒于官子蔚廉皆從軍有功蔚歷山東運判濂終大理寺寺副孫廣南康熙己丑武進士選侍衛

江南通志 卷五十五 人物志 武功

五 滁州

和州

南北朝梁昌義之烏江人少有武幹事梁武帝於雍州義師起收爲輔國將軍軍主每戰必捷天監初累遷徐州刺史鎮鍾離魏中山王元英率衆數十萬圍城城中兵纔三千義之隨方抗禦殺傷萬計積屍與城平及救軍至大破魏衆義之率輕兵追至洛水而還以功進號軍師將軍歷衛將軍再授北徐州刺史義之性寬厚爲將能得人死力及居滿任吏民安之卒諡曰烈

唐勣思齊歷陽人有神力武后召見奇之授遊擊將軍李

明華高舍山人元季糾義旅屯巢湖以舟師歸太祖從渡

江取采石金陵授秦淮翼元帥平僞漢及吳皆有功累遷湖廣行省平章政事洪武三年封廣德侯給世券後奉使廣東繕邊海城堡卒於瓊州無子納誥券墓中贈

巢國公諡武壯祀功臣廟

仇成舍山人太祖駐師河陽成詣軍門上謁卽留侍宿衛扈從渡江爲領軍先鋒每戰奮勇奪陣以功累遷都督僉事鎮遼東洪武十二年封安慶侯充征南副將軍勦四川容美諸洞又從征雲南克普定諸郡卒贈皖國公諡莊襄賜葬鍾山

王銘字子敬和州人從俞通海下采石嘗與吳戰流矢中臂引刀出鏃復前力鬪一軍壯之凡大小戰數十

江南通志 卷五十五 人物志 武功

五 和州

數有功洪武初授指揮使統温州衛有威名多惠政加築外垣起海神山屬郭公山首尾二千餘丈屹然東浙巨鎮云又州人胡淵亦以材勇從太祖立功累官都指揮使

楊文舍山人父興以驍勇事太祖爲總管歿於鄱陽之戰文襲領父兵屢有功累官右軍都督洪武三十年掛征南前將軍印征五開諸蠻平之立銅鼓等衛尋又充總兵官備禦開平召還卒

徐義和州人少有大志好讀孫吳書從太祖渡江每臨敵陣輒躍馬揮刀作虎吼衝突衆皆披靡以前後軍功累擢建寧右衛指揮僉事又州人沈興亦從太祖定江